

I. DISPOSICIÓNS XERAIS

CONSELLERÍA DE MEDIO AMBIENTE, TERRITORIO E INFRAESTRUTURAS

Resolución do 7 de decembro de 2010, da Dirección Xeral de Sostibilidade e Paisaxe, pola que se dá publicidade á Orde do 3 de decembro de 2010 que se aproban provisionalmente as directrices de ordenación do territorio.

Con data do 3 de decembro de 2010 o conselleiro de Medio Ambiente, Territorio e Infraestruturas ditou a orde pola que se aproban provisionalmente as directrices de ordenación do territorio. Mediante a presente dáse publicidade á súa parte dispositiva, que literalmente di:

«DISPONGO:

Primeiro.-Aprobar provisionalmente as directrices de ordenación do territorio de Galicia, incluíndo a súa memoria ambiental.

Segundo.-Eleva este acordo ao Consello da Xunta de Galicia e dar traslado ao Parlamento de Galicia para a súa tramitación, de acordo co disposto para os plans e programas remitidos pola Xunta no Regulamento do Parlamento de Galicia.

Terceiro.-Publicar esta orde no *Diario Oficial de Galicia* para o seu xeral coñecemento».

Santiago de Compostela, 7 de decembro de 2010.

Manuel Borobio Sanchiz
Director xeral de Sostibilidade e Paisaxe

II. AUTORIDADES E PERSOAL

b) NOMEAMENTOS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Orde do 14 de decembro de 2010 pola que se nomea un vogal do Consello Galego de Cooperación para o Desenvolvemento en representación dos axentes de cooperación.

De acordo co establecido no número 5 do artigo 11º do Decreto 326/2004, do 29 de decembro, polo que se regulan os órganos de coordinación e asesoramento en materia de cooperación para o desenvolvemento e polo que se crea o Rexistro de Axentes de Cooperación para o Desenvolvemento, os vogais do Consello Galego de Cooperación para o

Desenvolvemento serán nomeados e cesados polo titular do departamento competente, logo da proposta das entidades con representación naquel, mediante orde publicada no *Diario Oficial de Galicia*.

Mediante Orde do 22 de xaneiro de 2010 (DOG do 2 de febreiro) nomeouse a Agustín Merino García como vogal representante das universidades no Consello Galego de Cooperación para o Desenvolvemento, logo da proposta do Consello Galego de Universidades.

Por acordo do Consello Galego de Universidades do 28 de xullo de 2010, as universidades galegas propoñen a Benita Silva Hermo, vicerreitora de Responsabilidade Social e Calidade da USC, como a súa representante no Consello Galego de Cooperación para o Desenvolvemento.

Polo tanto, vista a proposta de nomeamento formulada polos axentes de cooperación para o desenvolvemento e de acordo co disposto nos números 5 e 7 do artigo 11º do Decreto 326/2004, do 29 de decembro,

DISPOÑO:

Artigo único.

Primeiro.-O cesamento como vogal titular no Consello Galego de Cooperación para o Desenvolvemento en representación dos axentes de cooperación, de Agustín Merino García, e agradécenselle os servizos prestados.

Segundo.-Nomear como vogal do Consello Galego de Cooperación para o Desenvolvemento, en representación dos axentes de cooperación, das universidades galegas, logo da proposta do Consello Galego de Universidades, a Benita Silva Hermo, vicerreitora de Responsabilidade Social e Calidade da Universidade de Santiago de Compostela.

Disposición derradeira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 14 de decembro de 2010.

Alfonso Rueda Valenzuela
Conselleiro de Presidencia, Administracións
Públicas e Xustiza

CONSELLERÍA DE SANIDADE

Orde do 11 de decembro de 2010 pola que se dispón o cesamento e nomeamento de membros do Consello Galego de Saúde.

A Lei 8/2010, do 10 de xullo, de saúde de Galicia, recolle no seu artigo 13º que a cidadanía da Comunidade Autónoma de Galicia terá dereito a participar na xestión do Sistema Público de Saúde de Galicia a través dos órganos de participación comunita-